

75 onns Padrinadi svizzer per vischnancas muntagnardas

Ovra da solidaritad tranter las muntognas e la Bassa


■ (anr/gc) L'onn 1940, durant la guerra, han ils consorts Paul ed Olga Cattani e treis ulteriurs iniziants fundà «Il Padrinadi svizzer per vischnancas basegnusas». Uschia sa numnava quell'uniun pli baud. Cun gronda reclama als èsi alur reussì – era cun sustegn da las medias – da persvader da realisar lur visiun e l'intent cun donaziuns generusas da vischnancas bainstantas, uniuns da consum e firmas tras uschè da dir far da padrin per las vischnancas basegnusas. Da qua deriva era la noziun Padrinadi per l'organisaziun.

Sminuir differenzas tranter las diversas regiuns

Il Padrinadi vul reducir la differenza tranter fermas e flaihlas regiuns en Svizra ed uschia procurar che las cuntradas muntagnardas restian abitadas e vegnian cultivadas. Uschia han ins sustegnì vischnancas basegnusas e corporaziuns en muntogna cun gidar a schliar la finanziaziun da pensums infrastrutturals. Vegnidas sustegnidas èn era famiglias en miseria e persunas singulas en territoris muntagnards. La finamira per propi è stada da tgirar e promover la solidaritad cun la populaziun da muntogna.

Dà agid concret per:

- pensums infrastrutturals (aquaducts e provediment electric)
- tgirar e mantegnair nossas alps (tras bajets e meglieraziuns)



Il Padrinadi svizzer per vischnancas muntagnardas vegn presidià actualmain dad ant. cusseglier federal Hans Rudolf Merz.

KEYSTONE

- mesiras da protecziun cunter privels da la natira (plantaziuns, paralavinas, uals e tgirar il guaud)
- scolaziun da la giuventetgna (scolina e chasas da scola)
- crear e mantegnair plazs da lavur en muntogna.

Dà fin uss pli che 550 milliuns francs

En il decurs da 75 onns ha il Padrinadi svizzer per vischnancas da muntogna dà contribuziuns da passa 550 milliuns ed è

uschia daventada ina instituziun impurtanta per ils territoris da muntogna en Svizra. Quai è be stà pussaivel perquei che l'instituziun ha già en tut quels onns generus fautors, chantuns, vischnancas, firmas, fundaziuns, instituziuns e bleras persunas privatas.

Onn per onn 400 dumondas da sustegn

Mintg'onn vegnan fatgas 400 dumondas per sustegn tras vischnancas e corporaziuns al Padrinadi svizzer per las muntognas. Ils projects vegnan mintgamai examinads dad experts da la suprastanza e libers en il lieu sez. Pir cura ch'ins ins ha ensem la documentaziun necessaria vegn decidì davart l'agid.

Il Padrinadi svizzer per las vischnancas muntagnardas dat agid be per projects en territoris muntagnards e promova uschia en il senn federalistic la coerenza tranter muntogna e la Bassa. Tras la revista «Patenschafts-Post», che cumpara quater giadas ad onn, vegnan donaturs ed interessads infurmads davart ils projects currents.

In Sursilvan è era stà president

Da preschent è l'antierur cuss. fed. Hans Rudolf Merz parsura dal Padrinadi svizzer per vischnancas. Da 1996–2009 è il Padrinadi svizzer per vischnancas da muntogna vegnì presidià dad a. cuss. dals stans Luregn Mathias Caveltz, Cuiral Schluein.